



**Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 77. Sessio XIV.

---

[urn:nbn:de:hbz:466:1-66426](#)

siam deducere. Quapropter ad diem o- Sæcul. XV.  
ctavam hac Congregatione dilata, rebus- A.C. 1433.  
que debite dispositis Patres Sessionem  
quartam decimam celebrare statuunt.

NON. XIV. §. LXXVII.

*Decima quarta Basileensis Synodì  
Sessio.*

Tandem die septima Novembris habita  
est Sessio XIV., cui interfuit Cæsar  
Imperii insignibus illustris. In ea ad pre- *Lab. Conc.*  
ces Sigismundi Eugenio Papæ rursum *tom. 12. p.*  
prorogabatur terminus ad nonagesimum<sup>523</sup>.  
diem, seu ad trimestre, ea tamen lege,  
ut intra hoc temporis spatium Concilio  
adhæreret, atque omnia, quæ adversus  
illud decrevisset, speciatim vero ternas  
illas literas mox memoratas revocaret;  
Præterea statutum, quod omnia ea, quæ  
in Synodo gesta fuere, confirmaret. Hoc  
si Papa facturus esset, pollicebantur Pa-  
tres, se una omnes ejus pedibus advolu-  
turos illum tanquam unicum, legitimum-  
que Christi Vicarium veneraturos. Ut  
autem publicum, quod ab eo exegerant,  
instrumentum ab omni mala fide, frau-  
de, & ambiguitate immune esset, tres  
omnino, ad quarum exemplum suam re-  
vocationem instrueret, obtulerunt for-  
mulas.

H 5      §. LXXVIII.